

# კავკასიის ეკონომიკის ყოველთვიური


## მიმოხილვა

### მარტი 2024





## ეკონომიკური ზრდა



წინასწარი მონაცემებით, 2023 წელს კავკასიის ეკონომიკის ზრდა 4.4%-ია. 2022 წელს კავკასიის ეკონომიკური ზრდა 7.8%-ს აღწევდა. გასულ წელს ეკონომიკური ზრდის ტემპის კლება რუსეთიდან ადამიანური და ფინანსური კაპიტალის ნაკადების შემცირებასა და წინა წელთან შედარებით, ნავთობის დაბალ ფასებს უკავშირდება. მიმდინარე წლის იანვარში ზრდამ 6.2% შეადგინა.


წინასწარი მონაცემებით, გასული წელს საქართველოს ეკონომიკა 7%-ით გაიზარდა. მიმდინარე წლის იანვარში ეკონომიკის ზრდამ 5.8% შეადგინა. ზრდაში მნიშვნელოვანი წვლილი საფინანსო, სამშენებლო, ინფორმაცია და ტელეკომუნიკაციების სექტორებმა შეიტანეს. კლების ტენდენცია დაფიქსირდა ვაჭრობა, მრეწველობა და უძრავი ქონების სექტორებში.

კავკასიის რეგიონში ზრდის ყველაზე მაღალი ტემპით სომხეთი გამოირჩევა. გასულ წელს სომხეთის ეკონომიკა 9.4%-ით გაიზარდა. 2024 წლის იანვარში, წინა წლის იმავე თვესთან შედარებით, ეკონომიკა 10.7%-ით გაფართოვდა. სომხეთის ეკონომიკურ ზრდაში განსაკუთრებული წვლილი სავაჭრო სექტორს აქვს, რომელმაც ამ პერიოდში 19.3%-ით მოიმატა, ხოლო სამშენებლო დარგმა კი - 9.5% -ით.

რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წლის განმავლობაში აზერბაიჯანის ეკონომიკა 1.1%-ით გაიზარდა. მიმდინარე წლის იანვარში ზრდამ 5% შეადგინა. აზერბაიჯანის ეკონომიკის 36.9% ნავთობისა და გაზის ინდუსტრიას უკავია. ამ ინდუსტრიის გარეშე, ზრდის ტემპმა 12.3% შეადგინა.



## ინფლაცია და მონეტარული პოლიტიკა



**ინფლაციის მაჩვენებელი კავკასიის რეგიონში ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ყველაზე ცუდი მაჩვენებელი აზერბაიჯანში ფიქსირდება.**

✚ საქართველოში 2023 წელს ინფლაციის ტემპი, წინა წელთან შედარებით, შემცირებული იყო. 2024 წლის თებერვალში სამომხმარებლო ფასების წლიურმა ზრდამ 0.3% შეადგინა. თებერვლის ინფლაციაში მაღალი წვლილი ტრანსპორტის ფასებმა შეიტანა, რომელიც 4.8%-ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, სურსათის ფასები ყველაზე მეტით, 3.5%-ით შემცირდა. ამ ფონზე, ცენტრალურმა ბანკმა ბოლო გადაწყვეტილებით რეფინანსირების განაკვეთი 9%-მდე შეამცირა.

🇷🇺 რეგიონში ყველაზე დაბალი დეფლაციით სომხეთი გამოირჩევა. მიმდინარე წლის თებერვალში სამომხმარებლო ფასების წლიური კლება 1.7% იყო. ყველაზე მაღალი, 7.5%-იანი ზრდა ალკოჰოლისა და თამბაქოს ჯგუფში დაფიქსირდა, ხოლო 7.4%-იანი კლება სურსათის ფასებზე. ეს კი სამომხმარებლო ფასების ძირითადი ნაწილია. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 8.75%-მდე შემცირდა.

🇦🇲 აზერბაიჯანში ინფლაციის ტემპი, კლების მიუხედავად, შედარებით მაღალ ნიშნულზე რჩება. 2024 წლის თებერვალში სამომხმარებლო ფასების წლიურმა ზრდამ 0.8% შეადგინა. იანვარში ინფლაცია 1.7% იყო. აზერბაიჯანი რეგიონში შედარებით მაღალი ინფლაციით წინა პერიოდებშიც გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. იანვარში მიღებული გადაწყვეტილებით პოლიტიკის განაკვეთი 7.75%-მდე შემცირდა.